

*Argumentum Capitis.*

Propheta reliquias populi ab Idololatriâ seriò exhortatur: populus exhortationi Prophetæ impissimè refragatur, & proinde Propheta eis pœnas fatales easqve funestissimas comminatur.

*Partitio Capitis.*

*Partes capitis tres sunt.* In 1. *dehortatio ab Idololatriâ usqve ad vs. 15.* In 2. *populi refractaria responsio, inde usqve ad vs. 20.* In 3. *pœnarum fatalium comminatio, inde usq; ad finem capitis continetur.*

Caput igitur istud in genere est συζητητικόν, ἢ Διζηλογοιστικόν; In specie verò partim διποτρειπτικόν, partim ἐπιθυμητικόν, partim deniqve ἀπλητικόν.

*Usus.*

Obsirment animum suum Ministri Ecclesiæ hujus capitis meditatione, ne pertinaciâ auditorum se territari patiantur; sed ut potius dehortando, objurgando, comminando intrepidè instent ex præcepto Apostoli 2. Tim. 4. v. 2.

*Explicatio 1. partis.*

In (1) capitis parte duo generalia capita delibanda sunt. (I.) complectitur auditores; (II.) verò *dehortationem ipsam.*

v. 1.

Auditores, ad quos Propheta concionem isthanc instituit, constituuntur reliquix Judæorum, qui in Ægyptum profecti sedem inibi fixerant in urbibus, quorum (4) nominatim notantur: (1) dicitur *Migdal*, cujus mentio fit *Exod. 24, 2.* itemqve *Ezech. 29, 10.* Vox *Migdal* *turrim* sonat, unde & nonnulli eandem appellativè interpretati. (2) *Thachpanhes*, de quo in capite præcedente. (3) *Noph*, aliàs in Scriptura *Moph*; Apud Scriptores verò profanos *Memphis*, hodiè vocabulo *Arabico* dicitur *Alcair*, distat milliaribus 69. ab Hierosolymis. (4) Terra *Pathros*, de quâ *Gen. 10. v. 14.* Ex his urbibus ac locis in Ægypto convocavit Propheta Judæos unum in locum, ibiqve hanc ad eos omnes & singulos eo in loco congregatos isthanc concionem habuit. Dehortatio ipsa tribus constat membris, in quorum (1) *Antecedentia*; In (2) *Præsentia*. In (3) *Consequentia* negotii illius de Idololatriâ tractanda. *Tractatio antecedentium* tribus absolvitur particulis, quorum (1) *Propositio generalis* de

v. 2.

de